

CONNACHTIA.



Ars quarta Hibernia qua Occasum respicit Sineo fluv. emissario ex Erne lacu, qui aliis Trovis, aliis Bana, & Oceano Occidentali inclusa, Giraldo Cambr. Conachtia & Conacia, Anglis Conaught, Hibernicis Conaghty dicitur. Hanc antiquitus, ut apud Ptolemaum videre est, GANGANI, qui iidem CONCANI, AVTERI, & NAGNATE infederunt. CONCANI illi sive GANGANI, ut LVCENI ipsis proximi à Lucensibus Hispania, ex nominis affinitate, & locorum vicinitate à CONCANIS Hispania deducti videantur, qui etiam Straboni variante lectione CONIACI, & CONISCI, quos origine Scythas, sanguinemque equinum potasse, (quod non insolens jampridem sylvestribus Hibernicis) testatur Silius.

Gangan.
Concani.
Auteri.
Nagnatae.

*Et qui Massagetem monstrans feritate parentem,
Cornipedis fusa satiatis Concane vena.*

Et præter eum Horatius.

Et latum equino sanguine Concanum.

Nisi quis hoc Hibernicum nomen Conaghty à CONCANIS & NAGNATIS conflatum suspicetur. Caterum regio ut alicubi lata & ferax, ita subvuidis quibusdam locis, herbidis tamen, quos à mollitie Boghes appellant, ut reliqua passim insula periculosa, & sylvis opacioribus, & crebrioribus condensa. Ora autem maritima multis sinibus, & navigabilibus alveis pervia accolae ad navigationes quodammodo invitat, & provocat, sed innata desidia dulcedo ita detinet, ut ostiatim malint victum querere, quam honestis laboribus paupertatem repellere. Hodie distribuitur in hos Comitatus, Twomond, sive Clare, Gallway, Maio, & Slego, Letrim, & Roscoman.

CONCANI, quos dixi, Australiorem hujus Connaethiae partem olim occuparunt, ubi nunc sunt Twomondia sive Claria, Comitatus Gallway, Clan-Richardi regio, & Baronia de Atterith.

T W O M O N D,

S I V E

COMITATUS CLARE.



Twomond, sive Twomond, Giraldo Thuctmonia, Hibernicis Twomond, id est, Septentrionalis Momonia, (quæ quamvis ultra Sineum fluvium jaceat, Momonia tamen olim pars habita, donec Henricus Sidneius Prorex Conaethiae adjunxisset) grandiori promontorio & sensim tenuato in mare projicitur. Ab Ortu uti ab Austro flexuoso Sinei fluminis quod magis magisque grandescit meatu, ab Occasu Oceano aperto ita conclusa, & à Septentrione Gallovidie Comitatus attingens confinia, ut nullus terrestri itinere nisi per regionem Clan-Ri-

card pateat accessus. Regio in qua nec à solo nec à solo quicquam desideres, timido incolarum accederet industria quam olim excitavit Robertus de Muscegros nobilis Anglus, Rich. Clare, & Thomas Clare juniores filii è Comitum Glocestriae stirpe, quibus Rex Edwardus Primus hunc agrum concesserat, oppida & arces extruendo & in civilis vitae societatem advocando, à quorum nomine oppidum primum Clare, quod nunc habitatio Comitis Twomondiae, & inde totus tractus Clariae Comitatus denominatus. Celebrioris notæ & nominis loca sunt Kilsenmerag & Killa-loe sive Laonenfis sedes Killa-loe. Episcopalis. Hæc in Provinciali Romano Ladensis dicta, ubi rupes in medio Sinei fluminis alveo,

Situs.